




ԱՍՏՎԱԾԱԲԱՆԱԿԱՆ ԳԻՏՈՒԹՅՈՒՆՆԵՐԻ ԹԵԿՆԱԾՈՒԻ ԱՍՏԻՃԱՆ

Հունիսի 14-ին Մոսկվայի ուսսաց եկեղեցու հոգևոր ակադեմիայում Մայր Աթոռի ուխարան տ. Անանիա վրդ. Արաքաջյանը հանդես է եկել աստվածաբանական գիտությունների թեկնածուի աստիճան ստանալու համար նախապես ներկայացրած իր ավարտահատի կամ դիսերտացիոն աշխատանքի քանակիոր պաշտպանությամբ:

Ավարտահատի թեման է՝ «Եզնիկ Կողբացու աստվածաբանական հայացքները»: Այն բաղկացած է 4 գլուխներից, ներածությունից և վերջաբանից: Ընդամենը 111 մեքենագրված էջ:

Ա. գլուխ. Եզնիկ Կողբացին և նրա «Եղծ աղանդոց» աշխատությունը.

Բ. գլուխ. Եզնիկ Կողբացու «Հակահատուություն»-ը.

ա) Ընդդեմ հեթանոսական կրոնների, բաբելոնյան աստղագիտության և ժողովրդական հավատալիքների.

բ) Ընդդեմ «Քէշին պարսից» կամ պարսկական կրոնի.

գ) Ընդդեմ միջքրիստոնեական փիլիսոփաների (Պյոթակորաս, Պլատոն, Էպիկուր) և ընդդեմ ստոյիկության.

դ) Ընդդեմ քրիստոնյա աղանդավորների (Մարկիոն, Վալենտին և ուրիշներ).

Գ. գլուխ. Եզնիկ Կողբացու աստվածաբանական հայացքները կամ ուսմունքը.

Քրիստոսաբանություն (Հայր Աստված, Որդի Աստված և Հոգին ս. Աստված. Ամենասուրբ Երրորդություն), **եկեղեցի** (նվիրապետություն, սրբերի բալրեխություն, ազատ կամք, ճակա-

տագիր, երազ, մարմինների հարություն և վախճանաբանություն), **բարո** և **չարի վարդապետություն** (հրեշտակ, սատանա).



Դ. գլուխ. Եզնիկ վարդապետ Կողբացու «Խրատք»:

Անանիա վրդ. Արաքաջյանը ծնվել է 1951

թվականին Երևանում, ավագանի անունով՝ Ավետիք: 1958—68 թթ. սովորել և ավարտել է Երևանի № 52 միջնակարգ դպրոցը: Հոգևոր ճեմարան է ընդունվել 1970 թվականին և ավարտել այն 1973 թվականին փայլուն հաջողությամբ:

Ավարտաճառի նյութն է եղել՝ «Ռուս պրավոսլավ եկեղեցին»:

1972 թվականին ձեռնադրվել է սարկավագ, իսկ 1973 թվականին՝ արեղա:

1975 թվականին ստացել է մասնավոր վարդապետական իշխանության աստիճան: Վարդապետական ավարտաճառի թեման է եղել՝ «Ռուս եկեղեցական-աստվածաբանական գրականությունը հայ առաքելական եկեղեցու մասին»:

Վեհափառ Հայրապետի կարգադրությամբ 1973—1975 թվականներին սովորել և էքստերն կարգով ավարտել է Մոսկվայում՝ Զագորսկի հոգևոր ակադեմիայի բառամշակապետական թանգարանում և իր ուսումը շարունակել, նույն հաստատու-

թյան ուսումնական խորհրդի հայրաբանության ամբիոնի բացառիկ որոշումով՝ ասպիրանտուրական բաժնում, ուր և գրել ու նկարագրել է իր թեկնածուական աշխատությունը:

Տ. Անանիա վարդապետը նույն տարիներին և մինչև 1976 թվականի փետրվարը եղել է հոգևոր հովիվը Մոսկվայի հայոց ս. Հարություն եկեղեցու:

Անանիա վարդապետ Արաքսյանը այժմ աշխատանքի է անցել ս. Էջմիածնի հոգևոր ճեմարանում որպես փոխտեսուչ և կրոնագիտական առարկաների դասախոս:

«Էջմիածին» ամսագրի խմբագրությունը ջերմորեն շնորհավորում է տ. Անանիա վրդ. Արաքսյանին ու մաղթում նրան նոր հաջողություններ հոգևոր-եկեղեցական, կրթական ծառայության ճանապարհի վրա՝ ի մխիթարություն Հայոց Հայրապետի և ի պայծառություն Մայր Աթոռ ս. Էջմիածնի:

Ա. Հ.

